



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-561-3/22**
Datum: **10.11.2022. godine**

„Agencija za vodno područje rijeke Save“ Sarajevo (u daljnjem tekstu: AVP Sava) rješavajući po zahtjevu pravnog lica „TEHNOČEN“ doo iz Bihaća, za izdavanje vodne dozvole za ispuštanje tehnoloških otpadnih voda sa lokacije pogona za primarnu preradu drveta izgrađenog u ulici Jablanska 313/4, grad Bihać, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Investitoru **„TEHNOČEN“ d.o.o. Bihać** za ispuštanje tehnoloških otpadnih voda sa lokacije pogona za primarnu preradu drveta lociranog u ulici Jablanska 313/4, grad Bihać, izgrađenog na zemljištu označenom kao k.č. 335 i 335/2 K.O. Založje (stari katastarski operat), odnosno k.č. 541/1 i 542/2, K.O. Pokoj, (novi katastarski operat) grad Bihać.
2. Ova vodna dozvola se odnosi isključivo na ispuštanje tehnoloških otpadnih voda za predmetni poslovni objekt definisan tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta primarne prerade drveta – pilane, sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da se istrošena ulja, nauljene krpe i sav opasan otpad koji nastaje u procesu čišćenja i održavanja postrojenja redovno prikupljaju i propisno, privremeno skladište u spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.3. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
 - 3.4. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda-tehnoloških otpadnih voda i oborinskih onečišćenih voda, uzimanjem uzorka efluenta na svim ispustima iz okna za monitoring a prije ispuštanja u recipijent u skladu sa članom 19. stav (4)

- Uredbe o uslovima ispuštanja otpadnih voda u okoliš i sisteme javne kanalizacije («Službene novine F BiH», broj: 26/20 i 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
 - 3.7. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.8. Da se prikupljanje i privremeno skladištenje piljevine iz procesa proizvodnje vrši na takav način da se onemogući dospijevanje iste u površinske vode.
 - 3.9. Da se oborinske vode sa krovova objekata kompleksa prikupljaju i zatvorenim sistemom kanizacionih cijevi odvedu direktno u recipijent, te se na taj način spriječi njihovo miješanje sa zauljenim vodama sa manipulativnih i radnih površina u slivnoj rešetci.
 - 3.10. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanja i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. . U periodu važenja ove dozvole, korisnik je dužan provoditi sve mjere i aktivnosti propisane istom.
 6. U slučaju vanrednih situacija, havarijskih oštećenja i drugih sličnih okolnosti, čime bi bio ugrožen kvalitet voda obavezno izvjesti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 7. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 129. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 11. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
 12. Uvjet za izdavanje novog vodnog akta jeste ispunjeni zahtjevi pod tačkom 3. ovog rješenja.
 13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „TEHNOČEN“ d.o.o Bihać obratio se ovoj Agenciji dana 14.10.2022. godine sa zahtjevom za izdavanje vodne dozvole za ispuštanje tehnoloških otpadnih voda iz pogona za primarnu preradu drveta u ulici Jablanska 313/4, grad Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji broj: 017-0-Reg-0-000010 izdanog dana 09.01.2009. godine od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 08.01.2003. godine od strane Porezne uprave Federacije BiH – Kantonalni ured Bihać,
- Ovjerena kopija Uvjerenja o registraciji obveznika poreza na dodanu vrijednost, broj: 04/5-1/I-17-1035-2198/05 izdanog dana 12.11.2005. godine od strane Uprave za indirektno – neizravno oporezivanje Banja Luka,
- Kopija uplatnice administrativne takse
- Kopija rješenja kojim se odobrava izgradnja poslovnog objekta – pilane, spratnosti P, tlocrtne veličine 7,0x18,0m, na građevinskoj parceli označenoj kao k.č. 335/2 K.O. Založje (stari katastarski operat), što po novom katastarskom operatu predstavlja k.č. 541/2 K.O. Pokoj, iste površine, a koja se nalazi u Bihaću, ulica Prilaz Jablanskoj, investitora Jusić Hasana iz Bihaća, izdanog pod brojem 3/36-331-194/98 od Sektora za urbanizam, geodetsko-katastarske i imovinsko-pravne poslove općine Bihać, dana 26.05.1998. godine.
- Glavni projekt Poslovnog objekta, urađen od strane ovlaštenog pravnog lica d.o.o. „AQUA PROJEKT“ iz Bihaća, pod brojem 16/11, od 11.02.2011. godine.
- Kopija Rješenja o vodnoj dozvoli pravnom licu „Tehnocen“ doo Bihać, izdatoj od strane AVP rijeke Save (istekla), pod brojem UP-I/25-3-40-689-4/12 dana 11.01. 2013. godine.
- Kopija Rješenja kojim se izdaje okolišna dozvola operateru „TEHNOČEN“ d.o.o. Bihać za objekt primarne i polufinalne obrade drveta-pogon pilane, koji se nalazi na lokaciji u ulici Jablanska 313/4, općina Bihać, na zemljištu označenom kao k.č. broj 335/2 K.O. Založje po starom katastarskom operatu, odnosno k.č. broj 541/2 K.O. Pokoj, kapaciteta 3.000 m³/godišnje, izdanom od strane Ministarstva za građenje, prostorno uređenje i zaštitu okoliša Unsko-sanskog kantona pod brojem: 11-23-14236-UP-1/2017, dana 29.03.2018. godine.
- Kopija Rješenja kojim se odobrava Jusić Hasanu iz Bihaća, ulica Jablanska da može koristiti poslovni objekt tlocrtne veličine 126 m², koji je izgrađen u Bihaću, prema odobrenju za građenje broj 3/36-361-194/98 od 26.05.1998. godine na k.č. broj 335/2 K.O. Založje po starom katastarskom operatu, odnosno k.č. 341/2 K.O. Pokoj po novom katastarskom operatu, izdanom od Sektora za urbanizam, geodetsko katastarske i imovinsko-pravne poslove općine Bihać pod brojem 3/36-361-474/98, dana 02.06.1998. godine.
- Kopija situacije terena u mjerilu 1:1000 sa označenim urbanističko-tehničkim uslovima za legalizaciju izgrađenih, nadograđenih i postavljenih proizvodno-poslovnih objekata kompleksa pilane, urađena od strane Službe urbanog uređenja i građenja općine Bihać pod brojem: 03/1-23-1-3404/07, od dana 03.06.2010. godine.
- Izvještaj o monitoringu kvaliteta i kvantiteta otpadnih voda proizvodnog kompleksa „Tehnocen“ Bihać, pod brojem 1018/22 dana 11.07.2022. godine izrađen od strane ovlaštenog lica „Inspekt-RGH“ doo Sarajevo, uz zaključak da izmjereni parametri zadovoljavaju granične vrijednosti emisije otpadnih voda.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, („Službene novine Federacije BiH“ broj 31/15, 55/19, 41/20 i 63/22), izvršen je obilazak proizvodnog pogona za primarnu preradu drveta „TEHNOČEN“ d.o.o. Bihać, u ulici Jablanska 313/4, grad Bihać, i tom prilikom sačinjen zapisnik o uviđaju broj: UP-1/21-3-40-561-2/22 od 24.10.2022. godine.

Pogon pilanskog postrojenja „TEHNOCCN“ d.o.o. Bihać je lociran u ulici Jablanska 313/4, grad Bihać sa lijeve strane ulice, kojem se pristupa makadamskim pristupnim putem. Osnovna namjena pogona objekata je primarna i polufinalna prerada drveta.

U krugu pogona locirani su slijedeći objekti: skladište oblovine na otvorenom locirano u središtu manipulativnog prostora, nadstrešnica za rezanje trupaca u kojoj su smještene dvije brente, čvrsti objekt u kojem su smještene mašine za preradu drveta, alatnica i oštračnica, silos za piljevinu, upravni objekt, kontejner u kojem je smještena parionica i objekt kotlovnice sa sušarama. Skladište repromatrijala (obloovina), skladište gotovih proizvoda, kao i skladište otpadnog drveta je smješteno na manipulativnom prostoru na otvorenom, koje je asfaltirano i nivelisano, sa ugrađenim slivnim rešetkama. Oborinska voda sa krovova objekata se dijelom također sliva u slivnu rešetku i miješa sa zauljenim vodama sa manipulativnih i radnih površina. U objektu hale za preradu drveta su smještene slijedeće mašine – strojevi: poprečni cikular, uzdužni cikular, poprečni cikular za fino rezanje drveta. Svi strojevi su spojeni na sistem za otkis piljevine u silos, koji se pneumatskim putem prazni u kontejner za piljevinu, koja se potom prodaje ili koristi kao gorivo u kotlovnici.

U tehnološkom postupku se ne vrši pranje trupaca, a obavljaju se tehnološke operacija skladištenja oblovine, raspiljivanja oblovine, uzdužno krajčenje, poprečno krajčenje, formiranje elemenata po zadanim dimenzijama, sušenje rezane građe i skladištenje otpadnog drveta i gotovih proizvoda. U objektima parionice i sušara za drvo provode se postupci parenja i sušenja drva bez nastanka kondenzata. Oborinske vode sa manipulativnog platoa pogona koji je asfaltiran i nivelisan, se putem slivnih rešetki prikupljaju te odvođe na tretman a nakon tretmana u separatoru ulja i masti ispuštaju u kanal pored pogona.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i Pravilnika o sadržaju, obliku, uslovima i načinu izdavanja i čuvanja vodnih akata, propisani uslovi kojih se korisnik pogona ima pridržavati.

Na osnovu provedenog postupka i utvrđenog činjeničnog stanja konstatuje se da je podnosilac zahtjeva, „Tehnocen“ doo Bihać, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Mujagić Fuad dipl.inž.

Po ovlaštenju
Rukovodilac sektora za izdavanje
vodnih akata


Haris Ališehović, dipl. inž. građ.

Dostaviti:

- „TEHNOCCN“ d.o.o. Bihać, ulica Jablanska 313/4, 77000 Bihać
- AVP Sava, ISV – Vodna knjiga
- Sektor 50
- Sektor40, arhiva
- Oglasna ploča, AVP Sava